

mido-convexa, dimidio apicali depresso, ipso apice levius convexo. Hemielytra laevigata, parallela, basi pronoti aequae lata, cuneo latitudine basali paullulum latiore; membrana areola majore angulo apicali interiore angulata. Xyphus prosterni subaequelateraliter triangularis, marginatus, apicem versus concavus et medio carinula longitudinali instructus. Rima orificiorum metastethii alte marginata. Coxae anticae breves, medium mesosterni haud superantes. Femora linearia. Tibiae spinulis brevibus fortiter retrorsum vergentibus. Tarsi articulo secundo primo paullo longiore et tertio brevior. Ungviciuli sub angulo recto curvati. Segmentum maris genitale muticum.

21. *Neostenotus* nov. gen. (Fig. 10).

Corpus oblongo-ovatum, nitidulum, cum capite tenuiter pubescens. Caput basi pronoti duplo angustius apiceque ejus paullulum latius, a supero visum latitudine cum oculis circiter $\frac{1}{3}$ brevius, vertice angustulo, immarginato, linea tenui longitudinali impressa instructo; ab antico visum latitudini cum oculis aequae longum, loris arcuatis; a latere visum altitudini basali aequae longum, fronte levissime declivi, solum ipso apice fortiter declivi, clypeo sat prominente, basi a fronte impressione discreto, ipsa basi mox infra quartam basalem partem altitudinis capitis a latere visi posita, angulo faciali acutiusculo, genis (φ) sat humilibus, gula brevi, subhorizontali. Oculi apici pronoti contigui, minute granulati, in genas longe extensi, orbita interiore versus apicem divergentes et sinuati. Rostrum apicem coxarum posticarum superans, articulo primo apicem xyphi prosterni subattingente. Antennae fere ad tertiam apicalem partem marginis interioris oculorum insertae, articulo primo capiti ab antico viso aequae longo, secundo longo, sublineari, ultimis gracilioribus, tertio secundo circiter duplo brevior. Pronotum transversum, trapeziforme, lateribus subrectis, margine basali supra scutellum truncato, disco versus apicem modice declivi, subtilissime sat obsolete punctulato, callis obsoletis, solum marginibus anticis eorum distincte impressis et lineam impressam communem arcuatam vel obtuse